

大寶積經

卷五十二

七十八
官二

47560




元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



大寶積經卷第五十二

大唐三藏玄奘譯

菩薩藏會第十二之十八

般若波羅蜜多品第十一之三

復次舍利子云何菩薩摩訶薩依趣善巧舍

利子菩薩摩訶薩修行般若波羅蜜多故於



四依趣善能具足何等爲四所謂依趣於義
不依趣文依趣於智不依趣識依趣於了義
經不依趣不了義經依趣於法不依趣數取
趣者舍利子云何名爲依趣於義不依趣文
復以何等爲文爲義舍利子所言文者謂諸
世間諸法作用傳習文詞所言義者謂所通

官

大寶積經五十二

一

達出世間法所言文者宣示可樂布施調順
寂靜言詞所言義者謂所布施調順寂靜決
定了知無朽壞智所言文者訶毀生死分別
言詞所言義者生死不染徹見法性所言文
者稱揚讚歎涅槃功德所言義者謂諸法性
涅槃無分別性所言文者隨順諸樂建事言

說所言義者一理趣法善通達智所言文者
宜說捨離諸所有法所言義者謂是三輪究
竟清淨所言文者宜說律儀身語意業受持
學處杜多功德所言義者身語意業皆不可
得不由加行尸羅清淨所言文者宜說忍受
瞋恚裁忿憍慢傲逸能行是忍名善丈夫所
言義者謂善證得無生法忍所言文者演諸
善根發起精進所言義者無取無捨無住精
進所言文者宜說靜慮解脫等持等至所言
義者滅盡定智所言文者一切聞持諸慧根
本所言義者不可說義所言文者謂能開示
三十七覺分聖道正法所言義者證得菩提

分法正行之果所言文者謂能開示苦集道
諦所言義者於滅作證所言文者開示無明
爲初乃至老死所言義者謂無明滅故乃至
老死亦滅所言文者宣說止觀資糧正法所
言義者明解脫智所言文者宣說貪瞋及癡
等分行法所言義者謂無分別心解脫智所

官 大寶積經五十二

二

言文者開示一切障礙之法所言義者謂無
障礙解脫之智所言文者開示三寶稱讚功
德所言義者離欲法性無爲無著功德正行
所言文者宣說菩薩從初發心乃至道場修
學功德發起正行所言義者謂剎那心相應
證覺一切智智舍利子舉要言之如來所演

八萬四千法藏聲教皆名爲文諸離一切言
言文字理不可說是名爲義舍利子是名菩
薩摩訶薩修行般若波羅蜜多故依趣於義
不依趣文

復次舍利子云何菩薩摩訶薩依趣於智不
依趣識舍利子菩薩摩訶薩依般若波羅蜜

多故善巧了知諸有言教數取趣義是名爲
識此不應依諸有言教如法性義即是於智
此應依趣又舍利子是菩薩摩訶薩由二法
善巧便能修行般若波羅蜜多何等爲二謂
識及智舍利子何等爲識何等爲智舍利子
所言識者謂四識任何等爲四一者色趣識

所依止二者受趣識所依止三者想趣識所
依止四者行趣識所依止如是識住是名爲
識不應依趣所言智者於五取蘊識不安住
識蘊遍智是名爲智此應依趣所言識者謂
能了知地界水界火界風界如是了知則名
爲識不應依趣若有說言四種識住識不安

官

大寶積經五十二

三

住此則名爲識之法性若於法性不雜亂智
是名爲智則可依趣又復識者所謂了別眼
所識色耳所識聲鼻所識香舌所識味身所
識觸意所識法如是了別是名爲識所言智
者若於內處心慮寂靜若於外處尋伺不行
依趣於智不於一法而生分別如是等相名

之爲智又復識者從所緣境而生於識從諸
作意而生於識從遍分別而生於識如是等
相名之爲識所言智者無取無執無緣無了
別無所分別是名爲智又復識者於諸一切
有爲行法識所依趣是名爲識所言智者於
無爲法無識能行此無爲智是名爲智又復
識者有生有滅所任之識故名爲識不應依
趣無生無滅亦無所任是名爲智此應依趣
舍利子是名菩薩摩訶薩修行般若波羅蜜
多故依趣於智不依趣識
復次舍利子云何名爲菩薩摩訶薩不依趣
不了義經依趣了義經舍利子諸菩薩等善

諸經中有所宣說狀背生死欣樂涅槃名不
了義若有宣說生死涅槃二無差別是名了
義若諸經中宣說種種文句差別名不了義
若說甚深難見難覺是名了義若諸經中文
句廣博能令衆生心意踊躍名不了義若有
宣說文句及心皆同灰燼是名了義若諸經
中宣說有我有情命者養者數取趣者意生
摩訶婆作者受者又說立有種種受蘊無有
主宰如是言教名不了義不應依趣若諸經
中說空無相無願無生無起亦無出現無有
我無有情無命者無養者取數取趣者及三
解脫門如斯言教是名了義則可依趣舍利

子是名菩薩摩訶薩修行般若波羅蜜多故
依趣了義不趣不了之義

復次舍利子云何名為菩薩摩訶薩依趣於
法不依趣數取者舍利子菩薩摩訶薩依般
若波羅蜜多故於諸經教善能分別諸有宣
說不了義經即為補特伽羅義如是言教不

官

大寶積經五十二

五

應依趣諸有了義即如性法義如是言教此
應依趣文舍利子復以何等名為依法云何
名為數取趣者舍利子若有依止數取之見
諸所緣法如是之相名數取者此數取見所
緣法住性之法性如是相者是名為法言數
取者所謂凡夫數取善凡夫數取隨信行數

取隨法行數取第八數取預流數取一來數
取不還數取阿羅漢數取獨覺數取菩薩數
取舍利子復有一數取者出現於世利益安
樂無量衆生悲愍世間爲諸天人義利安樂
如是數取所謂如來應正等覺舍利子如是
一切數取名言如來依世俗諦爲衆生說若
有衆生於此言教起於執著如是等類不應
依趣何以故如來欲令於彼正依趣故佛薄
伽梵說如是法汝等依趣諸法實性無宜依
趣彼數取者舍利子何等是爲諸法實性舍
利子所謂無有變異無有增益無作無不作
不住無根本如是之相是名法性又復於一

復次舍利子云何名爲菩薩摩訶薩資糧善巧舍利子當知菩薩摩訶薩修行般若波羅蜜多故善能通達二種資糧何者是二謂福及智舍利子云何名爲福德資糧所謂布施體性福所作事尸羅體性福所作事諸修體性福所作事及大慈定大悲方便菩薩摩訶薩作福所作諸事業故於諸善根若自若他勵志奉修悉能興起三世積集所有諸惡悉皆發露又於一切衆生所有功德一切學無學所有功德一切獨覺所有功德一切菩薩從初發心廣修諸行得不退轉繫屬一生如是等無量無邊菩薩摩訶薩所有功德菩薩

普皆心生隨喜又於去來現在一切諸佛薄伽梵所一切善根菩薩亦皆心生隨喜舍利子是菩薩摩訶薩又復善能隨喜俱生福所作事復能勸請一切諸佛轉妙法輪及諸賢聖令演勝法勸請俱生福所作事復能以諸善根迴向菩提迴向俱生福所作事是菩薩

官 大寶積經五十二

七

摩訶薩見有未發大菩提心諸菩薩等方便教令發菩提心若有已發菩提心者說法示導教令成熟諸貧窮者攝以財物若疾病者施以醫殷勤瞻視恭敬承事於暴惡者心藥生忍受所犯戒品無有覆藏發露諸過善能除罪已般涅槃諸佛世尊於一切時常修供

養於鄔波陀耶及阿遮利耶敬如大師於正
法所發勤精進追尋請問於說法師敬愛尊
奉猶如事佛有說法會雖去已遠多百踰繕
那要往其所聽聞正法無有歇足或有衆生
來請疑滯以無染心宣說淨法於父母所承
修供養知息了恩無有變悔積集一切諸清
淨福修行建立情無歇倦以諸律檢防護於
身身無詭詐防護於語發言和雅防護於心
心無諂誑欲攝梵福故爲諸如來營攝制多
令丈夫相具圓滿故積集無遮大祠法會爲
隨顯相令圓滿故積集種種善根資糧爲莊
嚴身故捨離僞慢爲莊嚴語故遠諸語過爲

莊嚴心故遠離一切憎嫉覺慧爲大莊嚴佛
刹土故化現神通轉變自在爲欲莊嚴諸法
相故無上妙智善性清淨爲欲莊嚴大法衆
故遠離一切離聞麤惡破壞語言爲不取著
一切法故離妄分別令說法者無憂感故歡
喜授與善哉言詞令說法者無唐捐故遠離
諸蓋恭敬聽法爲欲莊嚴菩提樹故奉施諸
佛清淨園林爲欲莊嚴佛道場故備修善根
無有退轉爲欲淨除生死法故不染一切諸
業煩惱爲欲獲得珍寶手故修行布施一切
珍寶爲欲獲得無盡之財及無盡藏故所愛
重物先用行施爲欲令諸衆生暫見便起清

官

大寶積經五十二

八

淨信故舒顏先問遠諸擧蹙爲欲獲得平掌
相故於諸衆生起平等照爲放無邊諸光網
故於不學識諸衆生所情不輕慢又無捨置
爲冷受生得清淨故常存積集清淨戒福爲
令胎藏得清淨故於諸毀犯善能清淨爲欲
生於天人中故修治清淨十善業道遠離無
知往還進止故於諸教誡無妄分別爲得法
財富逸自在故於深奧法性無藏恡爲諸世
間所瞻仰故修治清淨增上欲解爲得廣大
法勝解故於微少行而不修證爲欲攝受一
切福故心恒思惟一切智者爲七聖財得圓
滿故於佛正法信爲前導爲欲攝受諸淨法

故於已身命曾無顧錄為諸世間所委任故
於先所許必令果遂為令一切諸佛妙法得
圓滿故圓滿修習一切佛法舍利子若菩薩
摩訶薩具足成就如是相者是名菩薩摩訶
薩福德資糧善巧
復次舍利子云何菩薩摩訶薩智德資糧善

官
大寶積經五十二

九

巧舍利子是菩薩摩訶薩修行般若波羅蜜
多時由住如是如是因緣法故攝取於智是
故名曰智德資糧舍利子如是攝智以何等
法為因為緣舍利子當知菩薩摩訶薩欲無
厭倦精進尋求智隨行性親近善友趣諸佛
智不趣聲聞及獨覺智於彼善友情無憍慢

恭敬愛重如愛大師而是菩薩知彼善友具
諸欲解無有少分煩智言說而不詔愛彼善
友者又知菩薩是法器已即爲宣說中無暫
斷是諸菩薩聞說如是正法資糧相應之行
精進思尋方便修習舍利子諸如是相此則
名爲智德資糧相應正行

復次舍利子云何名爲菩薩摩訶薩正法資
糧相應正行舍利子正法資糧者所謂菩薩
摩訶薩具修正行故嗜欲饕餮食善能節儉事
緒緣務善能減約言說談話善能遠離於諸
音聲善能棄捨初夜後夜無有睡眠精勤修
習相應正行是菩薩摩訶薩稱量理義鄭重

尋思故心無濁穢制伏諸蓋故於所毀犯善
知出離無有諂詐現降悔故無所追求堅修
正行故隨順正法趣向正法俯臨正法於法
勇猛常如救彼頭衣熾然故勤求妙智無暫
休息不處愚暗故無有慢緩不棄善棍故遠
離憤鬧常樂獨處故宴默思惟聖種知足故

官

大寶經五十二

十

不捨杜多所有功德愛樂法樂故常樂尋求
出世間法不思寶玩隨順世間文章呪術故
成就正念無忘失故備甚深義善隨行故具
足妙慧道隨順故堅固勇猛防衛外緣故內
懷羞耻慙愧莊嚴故隨行佛趣離非智故捨
愚癡膜慧眼清淨善覺悟故覺慧寬廣於如

是覺無狹劣故妙覺明顯證現智故舍利子
是菩薩摩訶薩所有功德不隨於他於自功
德無增上慢於他功德不嫉不毀善修行業
不輕業報由如是故具足成滿業清淨智舍
利子如是等相具足圓備是名菩薩摩訶薩
智德資糧善巧之行

後次舍利子菩薩摩訶薩復有智德資糧善
巧謂能具足四種施法便得成就智德資糧
何等爲四一者菩薩摩訶薩若見書寫如是
經典給施葉紙筆墨衆事二者菩薩摩訶薩
請說法者演深妙義三者菩薩摩訶薩以請
利養恭敬名聞讚頌稱揚奉說法者四者菩

薩摩訶薩於說法師攝受正法無有諂曲讚
悅彼意應施是言善哉善哉舍利子若有菩
薩摩訶薩行是四種清淨布施當知善能積
集智德資糧善巧

復次舍利子菩薩摩訶薩復有四種積集無
盡智德資糧何等爲四一者菩薩摩訶薩巧

官

大寶積經五十二

十一

能守護說法者身二者巧能守護所有衆善

三者巧能守護其所止處四者巧能守護彼

說法者所有徒衆舍利子是爲菩薩摩訶薩

四種積集智德資糧

復次舍利子菩薩摩訶薩復有四種住持智

德資糧善巧何等爲四所謂菩薩摩訶薩於

說法者以法任持以智任持以財任持以菩提功德而用任持舍利子是為菩薩摩訶薩四種任持智德資糧

復次舍利子菩薩摩訶薩復有五種勝力能為智德資糧善巧何等為五所謂菩薩摩訶薩具足信力為欲就成信解心故具足進力

求善知識成多聞故具足念力令菩提心無忘失故具足定力審諦觀察平等覺故具足慧力由久修習多聞力故舍利子是名菩薩摩訶薩五力智德資糧善巧之行復次舍利子菩薩摩訶薩復有四種任持智德資糧善巧何等為四所謂菩薩摩訶薩於

說法者以法住持以智住持以財住持以菩提功德而用住持舍利子是為菩薩摩訶薩四種住持智德資糧

復次舍利子菩薩摩訶薩復有五種勝力能為智德資糧善巧何等為五所謂菩薩摩訶薩具足信力為欲就成信解心故具足進力

未善知識成多聞故具足念力令菩提心無忘失故具足定力審諦觀察平等覺故具足慧力由久修習多聞力故舍利子是名菩薩摩訶薩五力智德資糧善巧之行復次舍利子菩薩摩訶薩復有智德資糧善巧謂具四種清淨尸羅能善積集智德資糧

何等爲四所謂菩薩摩訶薩樂法尸羅求法
尸羅觀法尸羅迴向菩提尸羅舍利子菩薩
摩訶薩若具如是四種清淨尸羅能善積集
智德資糧善巧之行

復次舍利子菩薩摩訶薩復有智德資糧善
巧謂能具足四種忍法能爲智德資糧善巧

官

大寶積經五十二

十二

何等爲四一者菩薩摩訶薩勤求法時善能
忍受一切麤惡非法言說二者菩薩摩訶薩
勤求法時善能堪忍一切風日寒熱飢渴三
者菩薩摩訶薩勤求法時於阿遮利邪鄒波
陀耶二勝師所隨有訓誨頂戴領受四者菩
薩摩訶薩勤求法時善能信解於空無相無

願之法舍利子如是四種舍受忍法能為智德資糧之行

復次舍利子菩薩摩訶薩復有智德資糧善巧謂能具足四種精進能為智德資糧善巧何等為四所謂菩薩摩訶薩堅固精進聽聞正法堅固精進任持正法堅固精進演說正

法堅固精進修行正行舍利子如是四種堅固精進能為智德資糧之行

復次舍利子菩薩摩訶薩復有智德資糧善巧謂能具足四種靜慮於法修習能為智德資糧善巧何等為四一者菩薩常樂行遠離法二者樂獨專一守靜山林三者常樂尋求

神通靜慮四者常勤修行廣大佛智舍利子
如是四種正法靜慮能為智德資糧之行
復次舍利子菩薩摩訶薩復有智德資糧善
巧謂能具足四種正法智慧光明能為智德
資糧善巧何等為四所謂菩薩摩訶薩修行
如是智慧光明不住於斷不說於常不違緣

起信解無我舍利子如是四種諸智慧光明
能為智德資糧正行
復次舍利子菩薩摩訶薩復有智德資糧善
巧謂能成就四種正法無上方便能為智德
資糧善巧何等為四所謂菩薩摩訶薩修行
般若波羅蜜多故隨順世間隨順經典隨順

妙法隨順淨智舍利子如是四種正法方便
能為智德資糧正行

復次舍利子菩薩摩訶薩復有智德資糧善
巧謂能進趣四種法道能為智德資糧善巧
何等為四所謂菩薩摩訶薩以依般若波羅
蜜多故具足修行到彼岸道七覺分道八聖

支道趣向一切智者智道舍利子如是四種
正法之道能為智德資糧正行
復次舍利子菩薩摩訶薩復有智德資糧善
巧謂具四種無馱足法則能善集智德資糧
何等為四所謂菩薩摩訶薩以修行般若波
羅蜜多故奉持正法無量聽聞無有馱足為

衆說法無有馱足觀察理義無有馱足智慧
方便無有馱足舍利子如是四種無馱足法
能集智德資糧正行

復次舍利子菩薩摩訶薩如是智德資糧善
巧隨遍入於一切行處何以故舍利子當知
布施由智資糧而成就故如是持戒忍辱精

官

大寶積經五十二

十四

進靜慮正慧亦是智德資糧成就乃至慈悲
喜捨一切善法亦因智德資糧成就何以故
舍利子菩薩摩訶薩所有發起堅固正行皆
依止智彼一切智爲前導由是菩薩具大行
智故爲諸無智之所歸趣一切惡魔不得其
便諸佛如來所共加護將得趣入一切智智

舍利子是爲菩薩智德資糧善巧之行若諸
菩薩摩訶薩成就如是福智二種資糧善巧
當知修行般若波羅蜜多故獲是資糧善巧
之力

復次舍利子云何菩薩摩訶薩念住善巧舍
利子所謂菩薩摩訶薩修行般若波羅蜜多

故具足修習四種念住則能成就方便善巧
舍利子何等爲四一者於身隨身觀察修習
念住二者於受隨受觀察修習念住三者於
心隨心觀察修習念住四者於法隨法觀察
修習念住舍利子菩薩摩訶薩修行般若波
羅蜜多故云何於身隨身觀察修習念住舍

利子菩薩於身住隨身念觀察是身前際過
答是菩薩摩訶薩作是思惟如是身者顛倒
業起因緣所生本無主宰無所攝受如彼卉
木叢林諸藥草等從因緣生本無主宰無所
攝受此身又如館舍所起皆由草木墻塹衆
緣所共合成此身亦介但爲蘊界處等之所

官

大寶積經五十二

十五

攝持而其本性空無有我無有所無常無
恒無有堅住非不變法我今不應於是身分
妄有所計是故我今當以如是不堅之身用
賀堅身何等自者名爲堅寔謂如來身是堅
實身我觀是身極爲虛僞要當成辦如來之
身何以故如來身者即是法身金剛之身不

可壞身堅固之身超於三界最勝之身又作
是念我此身者無量過咎之所雜染我當求
證離諸過染如來之身舍利子是菩薩摩訶
薩以諸覺慧揀擇力故觀察是身四大種攝
爲諸隨眠所依窟宅是故我今當以此身爲
諸衆生驅役給使何以故譬如世間外四大
種所謂地界水界火界風界以種種門無量差別
衆具資財饒益養育一切衆生我今亦是用
此四大所合成身以種種門無量差別境界
資財當爲衆生之所受用舍利子是菩薩摩
訶薩由依般若波羅蜜多觀察是身有如是
等大義用故雖觀此身體性是苦而不耽患

如是苦身雖觀是身究竟盡性而不歇患流
轉受生雖觀是身其性無我而無歇倦成熟
衆生雖觀是身我寂滅性而不墮彼永捨寂
滅雖觀身空無相遠離而不墮於遠離邊際
舍利子是菩薩摩訶薩於此身法住隨身觀
觀察是身無實無堅又於內身住隨身觀隨
內而行於諸煩惱無復容受又於外身住隨
身觀隨外而行於諸煩惱不與共住舍利子
是菩薩摩訶薩成就如是身念住已其身清
淨無有染汙具足一切清淨身業得清淨相
莊嚴之身既具如是莊嚴身故爲諸天人之
所歸仰舍利子是名菩薩摩訶薩修行般若

官

大寶積經五十二

十六

波羅蜜多故於此身法隨身觀察修習念住
復次舍利子菩薩摩訶薩修行般若波羅蜜
多時云何於受隨受觀察修習念住舍利子
菩薩摩訶薩作是思惟諸所有受一切皆苦
我於今者具覺慧力於如是受當善決擇以
智決擇以慧決擇方便決擇是菩薩摩訶薩
既具如是勝決擇力雖受於樂當樂觸時即
於一切善道衆生起大慈心不爲貪欲隨眠
所惱雖受於苦當苦觸時即於一切惡道衆
生起大悲心不爲瞋恚隨眠所惱雖復受諸
不苦不樂當觸受時不爲無明隨眠所惱舍
利子是菩薩摩訶薩由依般若波羅蜜多具

足如是觀解力故隨受而行修習念住所受
諸受若苦若樂不苦不樂善能觀察諸受出
離又能令彼一切衆生證受遍智寂滅之法
又作是念此諸衆生具煩惱故無有智慧不
能了知諸受出離何以故若受樂時便生貪
愛若受苦時便生瞋恚若受不苦不樂便起

官

大寶積經五十二

十七

愚癡而況我輩諸菩薩等隨智慧行一切所
受諸過失法皆已息滅豈當於受更起煩惱
我於今者應具發起方便善巧及與大悲攝
諸衆生令於諸受皆得息滅舍利子如是菩
薩何因緣故說於諸受而不退墮舍利子謂
於諸受智慧揀擇能引於樂不引於苦舍利

子復以何等智慧揀擇謂是菩薩觀察此中
無能受者若我若有情若命者若數取等於
是觀察竟無能受唯有受者有何等受所謂
執受攝受取受有得受顛倒受分別受見隨
眠受眼想所生受乃至意想所生受色想所
生受乃至法想所生受及彼種種眼識所生
受如是廣說若內若外所有諸法乃至諸觸
緣所生受若苦若樂不苦不樂如是等相是

名爲受

復次舍利子諸佛如來分別諸受無量諸門
差別之相舍利子如來或時說爲一受所謂
一心了別諸境或說二受謂內及外或說三

受所謂過去了別未來了別現在了別或說
四受所謂地水火風界差別了別或說五受
所謂思惟如是五蘊或說六受所謂分別如
是六處或說七受謂七識住或說八受所謂
八邪方便之相或說九受所謂九位衆生所
居或說十受所謂十善諸業道等舍利子如

官

大寶積經五十二

十

是廣說乃至無量一切諸受隨所緣境隨所
作意限量分齊有介所受然諸如來說受無
量何以故衆生無量故隨有衆生各具如是
無量諸受舍利子如是菩薩摩訶薩云何於
受住隨受觀舍利子謂諸菩薩以清淨智方
便善攝一切衆生所有諸受生滅住異及善

了知一切衆生善不善等。所有受智若諸菩
薩如是隨觀是名於受具足觀察舍利子如
是名爲菩薩摩訶薩修行般若波羅蜜多故
於一切受隨觀察修習念住

復次舍利子菩薩摩訶薩修行般若波羅蜜
多時云何於心隨心觀察修習念住舍利子

是諸菩薩摩訶薩無有忘念密護防守離諸
散亂觀察於心生滅散壞念念不住於內於
外不住不轉是名菩薩正觀於心舍利子是
菩薩摩訶薩復作是念我憶最初曾所發心
如是諸心生已即滅離散變壞不可了知謂
何所方所又我有無量諸心積集善根生已

即滅離散變壞無有方所。又我所有無量心相迴向菩提而體相不能自了云何此心心能作是念我當證覺阿耨多羅三藐三菩提耶何以故以此以體不能了心不能觀心不能通達於自心故舍利子是菩薩摩訶薩復作是念若菩提心由善根心無有失者則善官
大寶積經五十二
十九

根心由迴向心無有迷失若迴向心由菩提故無有失者則阿耨多羅三藐三菩提為無有失是菩薩摩訶薩作是觀已於無迷失不恐不怖復作是念此緣起法因果不壞雖復是心法性無有自性無有作用無有主宰然此諸法依止因緣而得生起我當隨其所欲

積集善根既積集已修相應行終不捨離是
心法性

復次舍利子菩薩摩訶薩云何此中積集之
相舍利子是諸菩薩摩訶薩作如是觀積集
之相是心本性猶如幻化無有一法而可施
者是心法性而能布施一切衆生迴向積集

莊嚴佛土是則名爲善根積集又舍利子是
心本性如夢所見其相寂靜是心法性而能
積集守護尸羅皆爲迴向神通作用是則名
爲善根積集又舍利子是心本性猶如陽焰
究竟盡滅是心法性而能修習一切可樂忍
辱之力迴向積集莊嚴菩提是則名爲善根

積集又舍利子心本性者如水月中月究竟遠
離積集之相是心法性而能發起一切正勤
迴向成就無量佛法是則名為善根積集又
舍利子心本性者不可取得不可觀見是心
法性而能修習一切靜慮解脫三摩地三摩
鉢底迴向諸佛勝三摩地是則名為善根積

官 大寶積經五十二

二十

集又舍利子觀此心性本非色相無見無對
不可了知是心法性而能修習一切慧句差
別說智迴向圓滿諸佛智慧是則名為善根
積集又舍利子心無所緣無生無起是心法
性而能建立無量善法攝受色相如是名為
善根積集又舍利子心無所因亦無所生是

心法性而能攝受覺分法因是則名爲善根
積集又舍利子心性遠離六種境界亦不生
起是心法性而能引發菩提境界因所生心
是則名爲善根積集舍利子如是名爲菩薩
摩訶薩依般若波羅蜜多故於一切心隨心
觀察修習念住。

復次舍利子是菩薩摩訶薩又依般若波羅
蜜多故於一切心住隨心觀爲求證得勝佛
通故繫縛其心修學通智得神通已但以一
心而能善知一切心相既了知已依心自體
宣說諸法舍利子如是住隨心觀菩薩摩訶
薩以大悲力制御其心成就衆生而無厭倦

由是菩薩任隨心觀故不為心盡不為心滅
安住於心但為令心遠離生死相續結縛而
安住心又復以諸心念智力安住諸法無生
無起正決定性而不退隨三乘地中又以是
力持心相續乃至成滿一切佛法一刹那心
相應妙慧覺悟阿耨多羅三藐三菩提如是

官

大寶積經五十二

十一

舍利子是名菩薩摩訶薩依般若波羅蜜
於一切心隨心觀察修習念住
復次舍利子菩薩摩訶薩修行般若波羅蜜
多時云何於法隨法觀察修習念住舍利子
是菩薩摩訶薩以聖慧眼觀見諸法乃至坐
於道場於其中間無有迷失是菩薩於一切

法住隨法觀不見少法遠離於空遠離無相
遠離無願遠離無生遠離無起及以遠離無
加行者又重觀察不見少法遠離緣起舍利
子是菩薩摩訶薩安住如是隨法觀故不觀
於法及以非法此中何者以之為法謂無我
義是名法義無有情義無命者義無數取趣
義如是等義是名為法復以何等為非法義
所謂我見有情見命者見數取趣見斷見常
見有見無有見如是等見是名非法又舍利
子舉要而言一切諸法或名為法或名非法
何以故若能了知如是諸法皆空無相及以
無願即一切法並名為法若有計著我及我

所諸見隨眠即一切法並名非法舍利子菩薩摩訶薩依般若波羅蜜多故住隨法觀已不見一法而非佛法而非是佛而非是道而非解脫而非出離者是菩薩摩訶薩了知諸法皆出離已又復獲得無障大悲觀諸衆生所有煩惱皆從虛假妄想而生知諸煩惱體性自離何以故是諸煩惱等趣了我無少煩惱可積可集如是隨覺即是菩提煩惱之性即菩提性菩薩如是雖安住念而無所住非憶非忘而能了知念所安住何以故所安住念即名法界若住法界即住有情界若住有情界即住虛空界由如是故說此諸法與虛

官 大寶積經五十二

廿二

空等舍利子如是住隨法觀菩薩摩訶薩依
趣佛法故信解諸法即是佛法雖復發起如
是盡智而於無爲盡滅之法能不作證雖復
發起無生之智愍諸含識而現受生又不捨
離無生實際舍利子是菩薩摩訶薩於諸法
中安住念故遍能攝受二乘諸法雖於一切
假立諸法安住於念而此正念無散無失乃
至後際於一切法隨法觀察修習念住能以
無量言說所說不平等境平等趣入一切佛
法令一切衆生心喜能摧一切堅固魔軍能
因是證得自然大智舍利子是名菩薩摩訶
薩修行般若波羅蜜多故於一切法隨法觀

察修習念住是則名為四種念住善巧之法
如是舍利子菩薩摩訶薩欲得修行般若波
羅蜜多者應當修習念住善巧

大寶積經卷第五十二

官

官

大寶積經五十二

廿三

